




Broj: 01-50-1-15-35/16

Sarajevo, 30. 8. 2016.

DOM NARODA
PARLAMENTARNE SKUPŠTINE
BOSNE I HERCEGOVINE



Predmet: O b a v j e š t e n j e

Predstavnički dom Parlamentarne skupštine BiH je na 35. sjednici, održanoj 30.8.2016., razmatrao sljedeće tačke dnevnog reda:

1. Izvještaj komisije Kolegija Predstavničkog doma o nastojanju za postizanje saglasnosti o Zahtjevu poslanika Mirsada Mešića za razmatranje Prijedloga zakona o izmjeni Zakona o Javnom radiotelevizijskom sistemu Bosne i Hercegovine, po hitnom postupku, u skladu s članom 133. Poslovnika, zakon broj: 01-02-1-2063/16, od 28.7.2016.;
2. Prijedlog zakona o pružanju besplatne pravne pomoći, predlađač: Vijeće ministara BiH, broj: 01,02-02-1-1789/16, od 28.6.2016. (drugo čitanje);
3. Prijedlog zakona o izmjenama i dopunama Zakona o zaduživanju, dugu i garancijama Bosne i Hercegovine, predlađač: Vijeće ministara BiH, zakon broj: 01,02-02-1-1510/16, od 13.7.2016. (drugo čitanje);
4. Izjašnjavanje Predstavničkog doma o utvrđivanju novog roka za dostavljanje Mišljenja o Prijedlogu zakona o izmjenama i dopunama Zakona o akcizama u Bosni i Hercegovini, predlađač: Vijeće ministara BiH, zakon broj: 01,02-02-1-1853/16, od 7.7.2016. (prvo čitanje), skraćeni postupak;
5. Izjašnjavanje Predstavničkog doma o utvrđivanju novog roka za dostavljanje Mišljenja o Prijedlogu zakona o izmjeni Zakona o sistemu indirektnog oporezivanja u Bosni i Hercegovini, predlađač: Vijeće ministara BiH, zakon broj: 01,02-02-1-1854/16, od 7.7.2016. (prvo čitanje), skraćeni postupak;
6. Izjašnjavanje Predstavničkog doma o utvrđivanju novog roka za dostavljanje Mišljenja o Prijedlogu zakona o izmjenama i dopuni Zakona o uplatama na jedinstveni račun i raspodjeli prihoda, predlađač: Vijeće ministara BiH, zakon broj: 01,02-02-1-1855/16, od 7.7.2016. (prvo čitanje), skraćeni postupak;
7. Prijedlog zakona o izmjenama Zakona o zaštiti i dobrobiti životinja, predlađač: Dom naroda Parlamentarne skupštine BiH, zakon broj: 01,02-02-1-669/16, od 18. 7. 2016. (prvo čitanje);
8. Izvještaj komisije Kolegija Predstavničkog doma o nastojanju za postizanje saglasnosti o Prijedlogu zakona o izmjeni Zakona o plaćama i naknadama u institucijama Bosne i Hercegovine, predlađač: poslanik Damir Arnaut, zakon broj: 01-02-1-1950/16, od 18.7.2016. (zakon u prvom čitanju);
9. Izvještaj o radu Komisije za odlučivanje o sukobu interesa za 2015. godinu, broj: 01,02,03-50-19-2071/16, od 29.7.2016.;

10. Izvještaj o slobodi govora i stanju medijskih sloboda u Bosni i Hercegovini, broj: 01-50-1-1575/15, od 18.7.2016. (realizacija poslaničke inicijative usvojene na 25. sjednici Predstavničkog doma Parlamentarne skupštine BiH, održanoj 16.2.2016.);
11. Razmatranje poslaničke inicijative Maje Gasal - Vražalice, podnesene 12.7.2016., koja glasi: *"Zadužuje se Vijeće ministara BiH da, najkasnije u roku od 60 dana od dana usvajanja ove inicijative u Predstavničkom domu Parlamentarne skupštine BiH, sačini i u parlamentarnu proceduru dostavi izvještaj o mladima u Bosni i Hercegovini"*, akt broj: 01-50-1-1906/16.
- 12.

Ad.1.

Predstavnički dom **usvojio je** zahtjev poslanika Mirsada Mešića za razmatranje Prijedloga zakona o izmjeni Zakona o Javnom radiotelevizijskom sistemu Bosne i Hercegovine, po hitnom postupku.

Predstavnički dom **nije usvojio** Prijedlog zakona o izmjeni Zakona o Javnom radiotelevizijskom sistemu Bosne i Hercegovine.

Ad.2.

Predstavnički dom **usvojio je** u drugom čitanju Prijedlog zakona o pružanju besplatne pravne pomoći, s dva amandmana. Amandmani glase:

Amandman I.

Član 14. Prijedloga zakona mijenja se i glasi:

„Član. 14.
(Zabrana diskriminacije)

Pravo na besplatnu pravnu pomoć pod uslovima propisanim ovim zakonom imaju sva lica bez diskriminacije po bilo kojem osnovu u skladu sa Zakonom o zabrani diskriminacije BiH.“

Amandman II.

U Prijedlogu zakona o pružanju besplatne pravne pomoći u članu 25. dodaje se novi stav (3) koji glasi:

"(3) Izuzetno od stava (1) ovog člana, državni službenici Ureda te udruženja i fondacije, koji su registrirani za pružanje besplatne pravne pomoći, imaju pravo da zastupaju u krivičnom postupku lica oštećena krivičnim djelom isključivo s ciljem ostvarivanja imovinskopravnog zahtjeva.“

Dosadašnji st. (3) i (4) postaju st. (4) i (5).

Ad.3.

Predstavnički dom **usvojio je** u drugom čitanju Prijedlog zakona o izmjenama i dopunama Zakona o zaduživanju, dugu i garancijama Bosne i Hercegovine. Usvojen je i amandman koji glasi:

Amandman I.

U Prijedlogu zakona o izmjenama i dopunama Zakona o zaduživanju, dugu i garancijama Bosne i Hercegovine u članu 1. stav 2. kojim se mijenja tačka 31) Zakona, mijenja se i glasi:

„U tački 31) riječi: „je Ministarstvo“ zamjenjuju se riječima: „su entitetska ministarstva finansija“.

Ad.4.

Predstavnički dom **odredio je** novi rok Komisiji za finansije i budžet **do 15.9.2016.** za dostavljanje mišljenja o Prijedlogu zakona o izmjenama i dopunama Zakona o akcizama u Bosni i Hercegovini.

Ad.5.

Predstavnički dom **odredio je** novi rok Komisiji za finansije i budžet **do 15.9.2016.** za dostavljanje mišljenja o Prijedlogu zakona o izmjeni Zakona o sistemu indirektnog oporezivanja u Bosni i Hercegovini.

Ad.6.

Predstavnički dom **odredio je** novi rok Komisiji za finansije i budžet **do 15.9.2016.** za dostavljanje mišljenja o Prijedlogu zakona o izmjenama i dopuni Zakona o uplatama na jedinstveni račun i raspodjeli prihoda.

Ad.7.

Predstavnički dom **nije usvojio** u prvom čitanju Prijedlog zakona o izmjenama Zakona o zaštiti i dobrobiti životinja.

Ad.8.

Predstavnički dom **usvojio je** u prvom čitanju Prijedlog zakona o izmjeni Zakona o plaćama i naknadama u institucijama Bosne i Hercegovine.

Ad.9.

Predstavnički dom **usvojio je** Izvještaj o radu Komisije za odlučivanje o sukobu interesa za 2015. godinu.

Ad.10.

Predstavnički dom **usvojio je** Izvještaj o slobodi govora i stanju medijskih sloboda u Bosni i Hercegovini. Na prijedlog Zajedničke komisije za ljudska prava, usvojeni su zaključci koji glase:

1. Zadužuje se Vijeće ministara BiH da dostavi novi Izvještaj o slobodi govora i stanju medijskih sloboda u Bosni i Hercegovini (realizacija poslaničke inicijative usvojene na 25. sjednici Predstavničkog doma Parlamentarne skupštine BiH, održanoj 16.2.2016.), koji treba sadržavati izvještaje: Ministarstva pravde BiH, Ministarstva sigurnosti BiH i Ministarstva za ljudska prava i izbjeglice BiH, o slobodi govora i stanju medijskih sloboda u Bosni i Hercegovini.
2. Zadužuje se Vijeće ministara BiH da dostavi sveobuhvatnu informaciju o svim potezima različitih organa i institucija u BiH, koji nisu u skladu s čl. IV. 3.j) i čl. II. 3. g) i h) i i) Ustava BiH.
3. Zajednička komisija za ljudska prava će, nakon dobivenih izvještaja, organizirati tematsku sjednicu, na kojoj će predmet rasprave biti Izvještaj o slobodi govora i stanju medijskih sloboda u BiH, a na koju će biti pozvane državne i entitetske institucije, međunarodne i domaće organizacije, koje se bave ovim pitanjima, te će o tome izvijestiti oba doma Parlamentarne skupštine BiH.

Ad.11.

Predstavnički dom **usvojio je** modificiranu poslaničku inicijativu Maje Gasal – Vražalice, koja sada glasi: „**Zadužuje se Vijeće ministara BiH da najkasnije do kraja 2016. godine sačini i u parlamentarnu proceduru dostavi izvještaj o položaju mladih u Bosni i Hercegovini**“.



PREDSJEDAVAJUĆI
PREDSTAVNIČKOG DOMA
Mladen Bosić